



## Universitätsbibliothek Paderborn

**R. P. Pauli Segneri Societatis Jesu Brevis Vitæ Historia  
cum ejusdem Concordia Quietis & Laboris in Oratione,  
Expositione in Psalmum Miserere, Considerationibus de  
Inferno, Expositione Cantici ...**

**Massei, Giuseppe**

**AUGUSTÆ Vindel. & DILINGÆ, 1707**

**VD18 12383155**

cap. 2. Occasione firmius asserendi, quod sit objectum perfectae  
Contemplationis, ostenditur hanc rationem Christo Servatori optimè  
convenire.

[urn:nbn:de:hbz:466:1-47773](http://urn:nbn:de:hbz:466:1-47773)

## Caput II.

*Occasione firmius afferendi quod sit Objectum perfectum  
Contemplationis, ostenditur hanc rationem Christo JESU  
optimè convenire.*

## I.

**V**T in hoc de Objecto Capite ad usum ipsum accedam,  
sic differo.

Contemplatio geminum actum habet, utrumque præcipuum: unus ad Intellectum spectat, & hic est Admiratio: alter ad voluntatem, & hic est Amor. Objectum primi est DEUS, ut summè pulcher: alterius Objectum est DEUS, ut summè Bonus. Contemplatio tamen, cum vera est, necesse non habet ad hanc distinctionem attendere, quæ ad speculationem magis, quam usum pertinet. Et idcirco Objectum Contemplationis practicè est DEUS sub quocunque conceptu, quo quisque rapitur fortius ad illum admirandum, ad illum amandum, & eo frumentum. Hinc est quòd simili sub conceptu objectum maximè conveniens etiam Meditantum debeat esse DEUS, si modò verum est, quòd etiam Meditantes raciocinando tendere debeant ad conjunctionem cum D E O, sicut illi conjungere se curant nullo mediante, qui contemplantur,

*Contemplativa vita ad solum videndum Principium anhelat.*

Super Ezech, ho. Ita sensit S. Gregorius. Vita autem Contemplativa non

24. solùm Contemplationem, sed & Meditationem complectitur: & inauditum est, quòd non in modo tantum, sed

2.2.q.180 etiam argumento & objecto Meditatio à Contemplatione  
2.2.ad 4. distinguatur. Quin ipsi illi, qui Meditationi aestimationem

demere conantur, ad hoc utuntur effato variorum Sanctorum, qui pronuntiārunt: Meditationem præmandere,

Con-

**Contemplationem gustare.** Quod si verum est, idem cibus sit oportet tam Meditationis, quam Contemplationis, nunc præmansus à Mente, nunc gustatus; atque adeò & Meditans & Contemplans eodem etiam cibo se nutriant: nam & mandere, & gustare ad nihil prodeßent, nisi tandem ab omnibus verteretur in substantiam, quam sese sustentent.

Quare quando Sancti affirmârunt Meditationem mandere, Contemplationem gustare; noluerunt asserere, quod non eodem cibo & hi, & illi vivant; sed illud indicare voluerunt, eum qui meditatur tantum, minus ferè voluptatis sentire, quam laboris; & ideo mandenti, quam gustanti esse similiorem. Qui autem contemplatur, tantum plus voluptatis quam laboris experiri, atque adeò gustanti, quam mandenti esse similiorem.

Verum tamen est, quod ex hoc ipso argui possit, quam longè absfuerint Sancti ab eorum hodie sensu & doctrina, qui tradunt Meditantes à Contemplantibus toto statu differre: cum intelligi non possit, quod is qui ad mensam assidet, alio in statu sit cum mandit, quam cum gustat; quodque cum à gustato cibo ad mandendum redit, miser non sine ordinis perturbatione à superiore ad inferiorem statum redeat.

Sed ut illò redeamus, unde tantisper nos divelli passi sumus; observandum est, quod quando DEUS ipse animo infundit claram cognitionem, quod ipse sit summa Pulchritudo, summa Bonitas, & quidquid aliud vult DEUS dicere verbis illis: *Ego sum qui sum*, alio opus non sit. Hæc tum cognitio in omnibus plus efficit, quam aliæ quæcunque. At quando talis notitia nostro conatu comparanda est, non est semper magis proficuum ad desideratam con-

junctionem sub his illum terminis cognoscere. Nonnulli enim aliquando magis movebuntur, si sibi objicant DEUM ut à nullo pendentem, ut Potentem, ut Providum, ut Misericordem, ut Remuneratorem universalem, aut etiam ut humanæ naturæ conjunctum; quam si illum ut summè pulchrum, summè bonum latius patente ratione sibi repræsentent; eā nimis pulchritudine & bonitate, quæ quidquid demum in ullo genere nobilitatis ac perfectionis est, sine omni prorsus defectu, complectantur.

Hinc, meâ quidem opinione, æqua lex non est: Qui non proponit sibi DEUM sub ratione quadam abstractissima, non contemplatur perfectè. Hac enim minus Docti in errorem inducuntur; dum hærere volunt in ejusmodi repræsentatione confusa, quæ sæpe minus illos movet, & ab iis animum abducit, quæ, pro varia habitudine præsenti, aptiora essent & efficaciora ad illos movendos, Deoque arctius conjungendos.

Mans. 6.

c. 6.

An non S. Teresia ad rectè contemplandum bene fuit parata? fatetur tamen ipsa de se, quod cum aliquando conaretur animum defigere in DEO sub ratione quadam abstractissima, qualem isti nostri requirunt ad entendum ad apicem Contemplationis, valde male ea in re processerit: cum enim non semper eodem modo objicere sibi DEUM posset cum suo profectu, animo hinc inde aberrasse & vagatam se esse ait, tam vanè & erraticè, ut aviculae sibi instar esse videretur, quæ quaquaversum volitando locum stabilem & quietem non inveniret: unde tantum abfuit, ut hoc suo conatu quidquam proficeret in Oratione, ut indies potius plus detimenti pareretur. Ubi tamen mali causam advertit, mutavit orandi modum, mentemque iterum in Christum Servatorem constanter defixit, tanto suo commodo,

modo, ut protestata sit, carius sibi deinceps futurum fuisse, carere omni hac in vita bono, ut ceterà sibi debito, quam illud consequi alterius medio ac beneficio, præterquam ejus, à quos in nos omne bonorum genus dimanavit. Usque adeò verum est, etiam personas clarissima cælitus luce perfusas, novas has regulas non solùm absonas, sed etiam noxias fuisse expertas.

## II.

**E**T tamen post hæc non deest, qui certo consilio eas tunc eatur, dicátque, etiam hac ætate, illum Contemplatum, qui mentem non defigat in DEUM purum purissimum, sed pergit animo volvere ea, quæ DEUS hominem induit pro nobis fecit & passus est, perinde facere, ac si quis singulari favore à Rege vocatus ad alloquium, pro eo quod oculos in Regem ipsum defigat, nunc regiæ purpuræ splendorem, nunc torquis, coronæ, sceptri aspectu pueriliter se oblectaret. Sed quæ sunt istæ re ipsa delusionis fallaciae? si ita ratiocinari, seu argutari potius, luet, retorquo ego confessim argumentum, & sic dissero. Nam ille insignitè lepidus & urbanus esset, qui singulari favore à Rege vocatus ad alloquium profiteretur, nolle se quidquam Regis, quod Rex ipse non esset, intueri: atque ita confessim illum exueret paludamento, diriperet torques, coronam à capite, à manu Sceptrum abstraheret, & omnibus spoliatum vestibus scorsim in conclave aliquod secum abduceret. Sunt hæc facultatis imaginatricis mere ludibria. Ut quid igitur magno simpliciorum in modo in medium adducuntur, qui miris modis circa illa implicantur? Nec acceditur ad orandum, ut DEUS ve-

F 3

stiatur,

stiatur, nec ut vestibus nudetur: sed ut sancta sinceritate adoretur. Quare si quis trahitur ad contemplandum DEUM in suo simplicissimo esse, finatur sanè mergi in mari illo profundissimo, in quo nec angustas fauces, nec fundum invenire est; tanto enim ibi quisque est beatior, quò mergitur profundiùs. At si is plus adjumenti capit, ut non semel accidit hominibus etiam exquisitissimæ perfectionis, in contemplatione DEI humana carne induiti, non idcirco formidet, ne DEUM vivum, DEUM verum, DEUM simplicissimum non contempletur, non minus quam quicunque Contemplativus. Neque enim DEUS humana carne vestitus est instar Regis vestiti purpura, torque, corona, sceptro, ut dicebatur. Cuncta hæc planè penitus que à Rege ipso distincta sunt. At non ita à DEO distincta est Sacrosancta illa Humanitas, quam Unione Hypostatica pro nobis assumpfit. Hoc enim ipsum ipsissimum est, quod DEUS in ea assumenda spectavit, ut simul verè ac in ipsa substantia & DEUS esset, & Homo. De reliquo quis est, qui si cum S. Teresia contemplando velit figere obtutum in Christum, non aliud spectet, quam cogitare de Humanitate una ac sola, divellendo illam à Divinitate tanquam centonem aliquem? Discernit ille quidem probè Mysteria, quæ Christo ut DEO propria sunt ab illis, quæ ipsi ut Homini convenient; non tamen distinguit Christum Hominem à Christo DEO; cùm Christum non nisi unum agnoscat. Hoc autem posito nunquam per omnem æternitatem verum erit, quod intueri Christum sit tantum intueri vestem Regis, non ipsum Regem.

Non possum igitur mihi persuadere, quod S. Teresia probatura fuisset legem, nimis sanè quam arbitriam, quam inveniō statutam: Quando ad DEUM pervenimus,

ad

ad quem ferebatur nostra intentio, dum meditabamur vitam Christi, non oportet amplius redire retro ad considerationes de illa, quae ratiocinando fiunt; neque enim descendens finis est ut redeamus ad media: & qui pervenit ad aliquem locum quietis, ad quem itinere suo tendebat, non attendit amplius ad semitam, per quam illi fuit transendum, et si illa marmore porphyretico strata esset: quin immo quiescit, & se oblectat; nec enim amplius peregrinus est, sed inquilinus perpetuus & civis ejus loci: & si subinde via meminit, id eò duntaxat facit, ne ejus subeat oblivio, non autem animo illam relegendi.

Sed quid ego mentionem feci S. Teresia tantum? Nescio an Christo ipsi lex ista ullo modo probetur. Est ne igitur Christus Via, ut non sit etiam terminus in quo quiescatur? Quomodo igitur de se ipse pronuntiavit: *Ego sum Via, Veritas, & Vita?* Est enim verò Ille via, qui lumine tot nobilissimarum veritatum nos dicit ad Vitam; sed simul Vita est, ad quam tanquam Via nos dicit. *Quo imus, nisi Tract. 69. ad ipsum, & quā imus, nisi per ipsum?* ita S. Augustinus. in Joh. Ecquis igitur metuat ne aliò quam ad DEUM vadat, dum ad Christum vadit? *Sequamur Domine te per te ad te:* sensu Ser. 2. de animi tenerrimo ad ipsum dixit S. Bernardus, *quia tu es Ascens. Via, Veritas, & Vita;* *Via in exemplo, Veritas in promisso,* *Vita in præmio.* Aut ad finem nostrum adhuc aptius. *Via Serm. 7. in per quam est eundum, Veritas ad quam est veniendum, Vita Cæna Doo- mini,* *in qua est permanendum.*

Quin libet etiam hīc retorquere telum. Si enim sperat quis ita posse pervenire ad terminum qui est DEUS, contemplando, ut jam porro necesse non habeat ire per Viam, per quam ad terminum pervenit, ausim dicere; misellum illum, cum ad terminum sibi pervenisse videbitur, obser-  
vaturum

vaturum se ab illo longius quam unquam, ob animi elationem, distare. Itane igitur unquam venire possit illa dies, in qua per intervalla considerare Vitam Christi, etiam ratiocinando, tam non sit mihi adjumento, ut etiam sit impedimento, obici, & offendiculo ad sublimem Contemplationem? ego enimvero hoc capere non possum; sed quæ mea est felicitas, capere hoc ipsum non potuit S. Teresia, non S. Mechtildis, non S. Lyduina, non S. Ludgaridis, non S. Catharina Senensis, non præ reliquis S. Birgitta Vidua, quæ vivere ante desit, quam ire quotidie ad audiendas Prælectiones, quas ipsi suffixus in Crucem Christus summè admirandas dictabat. Atque hac causa malo sequi exemplum harum Sanctorum, quam regulas, quas nonnemo aliis mihi prescribit, non alia munitas auctoritate, quam hanc, ad propositum nostrum tam non idonea, quod nemo invento fine rationem meditorum porro habere debeat. An fortè finis noster, qui est DEUS, unquam hac mortali in vita sic inveniri potest, ut necesse non sit eum amplius, pauperis instar Peregrini, querere? Haud

2. Cor. 5. sanè credo. *Dum sumus in hoc corpore, peregrinamur à Domino, ajebat Apostolus, per fidem enim ambulamus, & non per speciem.* Ex hoc ipso igitur desumendum est, quod nunquam hac in viâ, omittenda sint media, quæ ad DEUM inveniendum nos ducunt. Tale autem medium Christus JESUS est. O quam ego optem nosse in hoc exilio, tam lugubri, tam miserabili, quale hoc nostrum est, hos Inquilinos Divinitatis, stabiles & perpetuos!

Quero deinde. An non certum est, Beatos in cœlo invenisse terminum, invenisse Veritatem, invenisse Vitam? quando tamen illi vel ad ictum oculi omittunt inquieti

tueri JESUM, qui fuit eorum Via? Quæ igitur insania nostra est, si in terris vel ipsis in cælo Beatis melioris conditionis esse volumus? Quamdiu Viatores erimus, tamdiu incumbet nobis attentione indefessa non Viam minus, quam terminum præ oculis habere.

## III.

Jucundum etiam mihi est, quod liceat horum Legislatorum autoritati opponere aliam ejus, qui ipsis profecto nihilo inferior est: Ludovici Blosij inquam, qui dum *Inst. spirit.* *c. 6.* format Contemplativum tam eminentem, ut in DEUM evolans sensuum usu destituatur, & se ipsum feliciter perdat, disertis illi verbis praescribit, ut, *dum sibi restituitur*, mox ad Christum revertatur: atque ita deinceps constanter pergit transire ab Humanitate ad Divinitatem, & ab hac ad illam: usque adeò ille censet id cuilibet, quantumcunque proiecto, faciendum. *Expedit prorsus*, ut ille nunc incomprehensibilem Divinitatem, nunc nobilissimam CHRISTI Humanitatem attendat, atque per istam ad illam ascendat, & ab illa ad istam redeat. Sic enim tamquam lignum plantatum secus decursus aquarum, flumine cœlestis gratiae mirifice inundabitur. Quamquam non Blosij tantum hic sensus fuit: idem etiam fuit S. Bonaventuræ, qui cum dixisset, non esse conditionem hominum ullam, in qua quisquam omittere debeat attentam considerationem Passionis Christi, quæ tamquam palma excelsissima mortales omnes invitet ad fructus ex ea colligendos, Pecatores quidem confusionis, Pœnitentes doloris, Proficientes doctrinæ, Perfectos devotionis, in virtutum studio consummatos conjunctionis cum DEO, tandem ita

G

con-

P. 1. stim. concludit: Nullus ergo se excusat, quin hic inveniat pabulum suum, quin hic inveniat portum suum, quin hic inveniat domicilium, nec tantum domicilium, sed centrum suum. Et scilicet non sit terminus, quod centrum est? Non aliam pluribus locis suis sententiam expresserunt S. Antonius Patavinus, S. Bernardus, S. Bernardinus. Digna admiratione in eandem rem habet Guilielmus, inclytus Abbas S. Theodorici, qui purgans se quodammodo DEO, quod cum Isaia tam propè ejus thronum non accederet: Non despiciant, inquit, me Domine super hoc, qui merentur te videre sedentem super solium excelsum, & elevatum Divinitatis tuae; quia & ea, quae sub te sunt, humanae dispensationis mysteria, omni Contemplatione repletum Templum cujuscunque sit magnitudinis.


Eant proinde, qui volunt, & excludant Christum à ratione objecti perfectæ Contemplationis, in eorum consortio, de quibus Alvarus Pelagius tanta cum abominacione locutus est; ego eum includam, dum spiritus hos regat artus cum præstantissimis quos adduxi Sanctis; immo cum ipsa Virgine sanctissima, cum Prophetis, Patriarchis, Apostolis, qui semper studuerunt altius se immergere in Contemplationem DEI humana carne vestiti, & semper deprehenderunt se ulterius provechi, antequam ad littus evaderent. Nec unquam affirmabo, ex æquo bonoque latas leges de Contemplatione, quas hodierni isti Magistri tulerunt. Justæ veræque leges illæ sunt, quas Spiritus Sanctus in divinis literis tulit. S. Paulus Apostolus pro objecto contemplationis hac in vita assignavit illud ipsum, quod est objectum contemplationis in Cælo, DEUM, & JESUM Christum: ut possitis comprehendere cum omnibus Sanctis, quæ sit latitudo, & longitudo, & sublimitas, & profundum; scire etiam

Ephes. 4.

v. 4.

*etiam supereminentem scientie Charitatem Christi.* Quan-  
tum ad DEUM, ad cogitationes nostras firmandas, cōpro-  
cessit Apostolus, ut in eo, qui est ipsa Immensitas, metri-  
suras sibi fingereret. Et sic, interprete S. Bernardo, voluit,  
ut Contemplationis nostræ objectum esset Sublimitas Divi- De Con-  
næ Majestatis, Latitudo Pietatis, quâ nobis prospicit: fid. l. 5. fin.  
Longitudo præmiorum, quæ nobis promittit, & Profun-  
ditas Judiciorum, quibus nos regit: Sublimitati Majestatis  
conjungitur Profunditas Judiciorum; & his respondet ad-  
miratio, Latitudini Pietatis jungitur longitudine Præmio-  
rum; & his respondet Amor. Ad Christum autem quod  
spectat, satis fuit Apostolo, ut teneremus nos in contem-  
planda illa Charitate, quæ excedit omnem scientiam. *Sci-*  
*re etiam supereminentem scientie Charitatem Christi.* Dixit  
autem quod Charitas ista supereminet omni scientiæ: nam,  
si suis res momentis libretur, ea nostrâ causâ egit Christus,  
quæ totus Mundus censuit effecta stultitiæ: Mori inter  
duos Latrones, Dominum pro servo, offensum pro offen-  
dente. Charitati in ejusmodi contemplatione respondet  
Amor, qui nos facit prorumpere in illa verba: *Quis nos Rom. 8.*  
*separabit à Charitate Christi?* Excessui autem Charitatis ad- v. 25.  
miratio respondet, quæ nobis extorquet illa: *Opus factum*  
*est in diebus nostris, quod nemo credet cum narrabitur.* Nec Abac. 1.  
Apostolus tantum, sed Christus ipse cum explicuit, in quo v. 5.  
consisteret vita æterna; illa nimurum Visio, quæ omnibus  
numeris Beatos nos in cælo reddit, in hac autem vita Bea-  
tos ratione quadam imperfecta, tali Visioni objectum attri-  
but tam DEUM purum purissimum, quam DEUM hu-  
manos artus indutum: *Hæc est autem vita æterna, ut cognoscant te solum verum DEUM,* & quem misisti JESUM Chri- Joan. 17.  
stum. Sic ut cum dicitur: *ut cognoscant te solum DEUM ve-*  
rum.

In hunc locum, istud dicatur de tota Trinitate, ut interpretatus est Hugo Cardinalis, & cum dicitur: *Et quem misisti IESUM Christum: dicatur de Filij Humanitate.* Et causa est, quia ista terra viventium, quae est ista Sacrosancta Humanitas, fluit lac & mel, quae est promulsis quædam deliciarum celestium, quæ largè exundant ad animam in excelso contemplatione beandam. Atque haec de objecto sufficiant.



### Caput III.

*Perpenditur an circa Modum contemplandi idonea regula sit, initium facere Orationi spontanea suspensione trium facultatum internarum, generatim sumptuarum, dum Homo, quoad ejus potest, abstinet ab exercitio Imaginationis, Intellectus, & Voluntatis, ut sic quietem ingrediatur.*

#### I.

**S**ecunda lex, quæ tironibus Contemplationis, multum negotij faciescit, ad Modum contemplandi pertinet. Contendunt enim Magistri isti; ad talis actus perfectioinem necessarium esse ponere omnes imagines, omnes intelleciones, affectus omnes; aut saltem illos non excitare: hærendo tantum, ut supra jam insinuatum est, coram DEO fide quadam simplicissimâ, non spectando aliud, quam transigere tempus cum ipso in silentio, haud aliter quam qui scit se amicum habere præsentem, & hoc uno contentus est.

Est